

## Communicaziun publica: Disposiziun da l'Uffizi da sanadad

### Communicaziun publica: Disposiziun

Il Cussegl federal ha decretà ils 28 da favrer 2020 in'Ordinaziun davart las mesiras per cumbatter il coronavirus (COVID-19). Questa ordinaziun vala per l'entira Svizra. Ella è entrada en vigur ils 28 da favrer 2020 a las 14.00 e vala fin ils 15 da mars 2020. Ils 4 da mars 2020 han il schef dal Departament federal da l'intern e la suprastanza da la Conferenza svizra da las directuras e dals directurs chantunals da sanadad deliberà il document "Criteris concernent l'execuziun dal scumond d'occurrências dals 28 da favrer 2020".

Pervia da quests fatgs sto vegnir adattada la disposiziun da l'Uffizi da sanadad dals 28 da favrer 2020. Sa basond sin l'art. 40 al. 1 e 2 da la Lescha federala davart il cumbat cunter malsognas transmissiblas da l'uman (Lescha d'epidemias, LEp; CS 818.101) en cumbinaziun cun l'art. 35 da l'Ordinaziun tar la Lescha da sanadad (OtLSan; DG 500.010) ha l'Uffizi da sanadad, ils 5 da mars 2020,

### disponì:

1. La disposiziun dals 28 da favrer 2020 vegn abolida.
2. Scumandadas èn occurrências publicas u privatas, nua ch'i sa trategnan il medem mument pli che 1000 personas.
3. Per in'occurrência publica u privata cun main che 1000 participantas e participants vala:
  - a. Da princip èn occurrências permessas, sche
    - en locals serrads cun personas che circuleschan libramain n'èn betg preschentas il medem mument pli che 150 personas; u
    - en locals serrads stat a disposiziun da tut temp ina surfatscha da sa trategnair da pli che 4 meters quadrat per persona preschenta; u
    - en locals serrads mobigliads cun sutgas n'èn betg preschentas il medem mument pli che 300 personas; u
    - ad occurrências al liber n'èn betg preschentas il medem mument pli che 500 personas.
  - b. Per tut las ulteriuras occurrências fin e cun 1000 personas vala: Ensemen cun las autoritads chantunals cumpetentas, èn ils organisaturs obligads da ponderar ordavant las ristgas, sche l'occurrência po vegnir manada tras u betg.
4. Ils organisaturs che mainan tras in'occurrência tenor l'alineia 3 èn obligads da:
  - a. recumandar a personas spezialmain periclitadas da betg sa participar a l'occurrência;
  - b. pender si bain visibel il feigl d'infurmaziun da l'Uffizi federal da sanadad publica davart las mesiras da protecziun;
  - c. supplitgar personas che sa sentan malsaunas u ch'èn malsaunas, da betg frequentar l'occurrência resp. da bandunar quella.
5. Il manaschi da scola ha lieu en moda regulara.
6. A las scolas èsi scumandà da far excursiuns u viadis a l'exteriur.
7. La disposiziun vala per entant fin ils 15 da mars 2020.
8. Questa disposiziun vegn relaschada renviond a l'art. 83 al. 1 lit. j LEp, tenor il qual vegn chastia cun ina multa, tgi che cuntrafa intenziunadamain a las mesiras a favur da la populaziun (art. 40 LEp). Tgi che agescha per negligentscha vegn

chastià cun ina multa fin a 5000 francs per ils surpassaments tenor l'alea 1  
(art. 83 al. 2 LEp).

Uffizi da sanadad dal Grischun  
Il manader  
Dr. Rudolf Leuthold